



Trotzhöpf 1983

CLIQUE LIESCHTEL

Tri - Tra - Trullalla . . .

Sujet 1987 : 5 Johr chäschperle

S isch chuum zum Glaube, aber wohr,
mir s i uff der Gass scho s fünfte Johr.
S läuft au by eus nit allewyl alles rund,
drum deue mer das mit eusem Sujet kund.
S git öppedie öppis z chifle und z schwafle,
drum näme mir eus grad sälber an der
Chäschperlinase.....

Im 83 si mir ganz bescheide gschtartet
und hei eigentlich gar nit vill erwartet.
Mit emene Blätzlibajass hei mer gfunde,
chönnte mer euses bunte Stedtlbild abrunde.
Nach dere Fasnecht si mer eus alli einig gsi,
asso s nöchsch Johr si mer au wider derby.

S Johr 84 het eus derzue bewoge,
ganz schüüch emole z froge:
"Het dr Kanton jetz eigentlich gfyrt, oder nit?"
Asso mir hei gfunde, do si mer derby, oder nit...
Als Margritli hei mers probiert z definiere
mer fyre..., mer fyre nit..., mer fyre...

Im 85 hei mers müese usjasse,
über was mer jetz au chönnte gschpasse.
D Idee isch denn doch no choo,
jedesmol wemmer d BZ hei überchoo.
E Foti usem Blättli hesch mängisch chönne
dräje und wände....
hesch denn noni gwusst, hebsch si rächt
in de Hände.
Als Redakter mit dr Zytigsänte uff em Chopf
hei mer däm Blättli e chly uff e Busch klopft.
Dr Tambourmajor het die Zämmewüschete dominiert...
er het die Zytigsänte mit em Rotstift korrigiert.

Im 86....., e Blitzidee!
Ueberall hei mer numme Gräbe gseh.
Do mues me sich jo au nit wundere,
will mir eso euses Sujet hei gfunde.
Als Muulwürf hei mer ghulfe grabe,
by eim Loch ufe, bimene andere abe.
Mir hei amme sälber nümm rächt gwusst,
ischs eis vom letschte Johr, oder e Früschs.

Eis isch sicher, au in däm Johr,
mir chäschperle wyter mit vill Humor.
Und wenn de z Lieschtel ummelosisch,
chunnsch druus us euserer Chäschperlilogik.
Zu jedere Zyt und überall wird gchäschperlet
vo Fall zu Fall!!!

Mir Chäschperli hoffe, mir syge none chly derby,
denn jedesmol isch sone Fasnecht es Erläbnis gsi.
Jetzt haue mer aber ab in d Gasse,
nit as mer d Frau Fasnecht no verpasse!

Am Fasnechtszischtig isch widerum d Latärne-
ausstellig im alte Züüghuus vom zwöi Zmitag
bis Zobe am nünì, usnamswys!!!